

Broj: 105-6748/20 DŽS  
Zenica, 15.06.2020. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-6746-1/20 DŽS od 15.06.2020. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

**ODLUKU**  
**o izboru najpovoljnijeg ponuđača**

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-6746/20 DŽ od 15.06.2020. godine u postupku dodjele okvirnog sporazuma za nabavku usluge uzorkovanja i analize pitke i sirove vode sa izvorišta Kruščice, Babine rijeke, Strmešnjaka i Klopče i prihvata se preporuka Komisije za nabavke da se okvirni sporazum zaključi sa ponuđačem:

**JU Institut za zdravlje i sigurnost hrane Zenica**

kao najbolje ocijenjenom ponuđaču, prema ponudi protokolisanom pod brojem: 501-6624/20 od 15.06.2020. godine, za ponuđenu cijenu od 2.998,20 KM, bez uračunatog PDV-a.

II

Prijedlog okvirnog sporazuma dostavit će se na potpis izabranom ponuđaču JU Institut za zdravlje i sigurnost hrane Zenica, u skladu sa članom 98. Zakona o javnim nabavkama.

III

Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 105-5942/20 BS od 26.05.2020.godine. Javna nabavka je provedena putem konkurentskog zahtjeva sa zaključivanjem okvirnog sporazuma na period od 24 mjeseca.

Procijenjena vrijednost javne nabavke bez uračunatog PDV-a je 3.000,00 KM.

Dana 27.05.2020.godine na Portalu javnih nabavki, istovremeno sa objavljivanjem Obavještenja o nabavci broj: 439-7-2-245-3-17/20 objavljena je i tenderska dokumentacija.

Poziv za preuzimanje tenderske dokumentacije broj: 406-5942-2/20 BS od 27.05.2020. godine upućen je sljedećim ponuđačima:

1. Zavod za javno zdravstvo SBK/KSB
2. Institut za zdravlje i sigurnost hrane Zenica
3. Euro Inspekt d.o.o. Sarajevo

U prilogu Odluke dostavlja se Izvještaj o preuzimanju tenderske dokumentacije od strane ponuđača preuzet sa portala javnih nabavki dana 15.06.2020. godine u 08:08 sati.

Rok za dostavljanje ponuda je bio 11.06.2020. godine do 13:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1. EURO INSPEKT d.o.o. Sarajevo
2. JU Institut za zdravlje i sigurnost hrane Zenica

Komisija za nabavku imenovana je Odlukom broj: 105-4040/20 BS od 23.03.2020.godine.

Komisija za nabavku je dana 15.06.2020. godine direktoru preduzeća dostavila Izvještaj o radu broj: 501-6747/20 od 15.06.2020. godine i Preporuku o izboru najpovoljnijeg ponuđača broj: 501-6746-1/20 od 15.06.2020. godine u postupku nabavke usluge uzorkovanja i analize pitke i sirove vode sa izvorišta Kruščice, Babine rijeke, Strmešnjaka i Klopče.

U postupku, prema Izvještaju o radu Komisije, utvrđeno je da je:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nema neblagovremeno zaprimljenih ponuda,
- ukupno 6 (šest) ponuđača je preuzelo tendersku dokumentaciju sa Portala javnih nabavki.

Dana, 11.06.2020. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda.

Uvidom u priloženu dokumentaciju konkurentskog zahtjeva broj: 406-5942-1/20 BS od 26.05.2020. godine – Nabavka usluge uzorkovanja i analize pitke i sirove vode sa izvorišta Kruščice, Babine rijeke, Strmešnjaka i Klopče, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je ponuđena cijena ponuđača neprirodno niska.

Ponuđač EURO INSPEKT d.o.o. Sarajevo nije dostavio kopiju rješenja o akreditaciji laboratorije kako je traženo u tački 2.d tenderske dokumentacije nego je dostavio certifikat o akreditaciji bez dodatka koji je sastavni dio certifikata o akreditaciji.

Iz gore navedenog razloga ponuda ponuđača EURO INSPEKT d.o.o. Sarajevo se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač JU Institut za zdravlje i sigurnost hrane Zenica je dostavio formalno-pravno i tehnički zadovoljavajuću ponudu, koja je kao takva prihvatljiva za ugovorni organ i može biti predmet ocjenjivanja.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „najniža cijena“, prihvatljivih ponuda/ponuđača kako slijedi:

1. JU Institut za zdravlje i sigurnost hrane Zenica, sa ukupnom cijenom ponude u iznosu od 2.998,20 KM, bez PDV-a

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema Odluke.

#### **DOSTAVLJENO:**

- 1 x Ponuđaču
- 1 x Direktor preduzeća
- 1 x Pom.dir.za ekon. i pravne posl.
- 1 x Pom.dir.za tehn.posl.
- 1 x Pom.dir. za razvoj i inv.
- 1 x Komercijalna služba
- 1 x Tehnička služba
- 1 x Sekretar Komisije
- 3 x Članovima Komisije
- 1 x a/a



DIREKTOR

*Emir Pasalić*  
Pasalić Emir, dipl.ing.građ.